

Allannguutissatut siunnersuut

uunga

Unga siunnersuut: Najukkani aatsitassanut tunngasunik suliaqarnerit pillugit Inatsisartut inatsisaat

Pingajussaanneerneqarnissaanut Naalakkersuisunit saqqummiunneqartoq:

§ 5-imut

1. § 5, imm. 3, imatut oqaasertalerneqarpoq:

” *Imm. 3. Aalajangersimasumik najugaqartoq paasineqassaaq, inuk ukiuni siuliini 5-ini Kalaallit Nunaanni aalajangersimasumik najugaqarsimasoq aammalu Kalaallit Nunaannut tamakkiisumik akileraartussaatitaasimasoq, taamaattoq takuuq § 7, imm. 5.”* ”

§ 6-imut

2. § 6, imm. 1, imatut oqaasertalerneqarpoq:

” *Ingerlatassani kapitali manna malillugu suliarineqartuni, avatangiisink innarlitsaaliuineq pillugu Inatsisartut inatsisaanni avatangiisink innarlitsaaliuinermut maleduagassat aamma pinngortitamik illersuineq pillugu Inatsisartut inatsisaanni pinngortitamik illersuinissamut maleduagassat atuuttut nalinginnaasut, malinneqartussaapput.* ”

Allannguutissatut siunnersuummut nassuaatit

Nassuaatit nalinginnaasut

Allannguutissatut siunnersuummi siunertaavoq allannguutit, najukkani aatsitassanut tunngasunik suliaqarnerit pillugit Inatsisartut inatsisaannut siunnersuutip pingajussaanneerneqarnissaanut Inuussutissarsiornermut Aatsitassanullu Ataatsimiititaliamit ataatsimiititaliap isumaliutissiissutaani siunnersuutigineqartut aammalu allannguutissiut Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit kissaatigineqartoq, ilanngunneqarnissaat.

Allannguutissatut siunnersuummi aalajangersakkanut ataasiakkaanut nassuaatit

Nr. 1-imut

Siunnersuutigineqarpoq, ukiuni siuliini 5-ini Kalaallit Nunaanni aalajangersimasumik najugaqarsimanissaq tamakkiisumillu akileraartussaatitaasimanissaq pillugit piumasaqaatip saneqqunneqarnissaanut immikkut ittumik akuersissuteqarnissamut Naalakkersuisut periarfissaqarnerat pillugu, siunnersuummi § 7, imm. 5-imut innersuussut, ilanngunneqassasoq.

Inuit Kalaallit Nunaannut atassuteqartut, ukiut siuliisa 5-it ingerlaneranni piffissami sivikinnerusumi sivisunerusumiluunniit nunani allaniissimasut, inuit Kalaallit Nunaannut atassuteqartut allat assigalugit aatsitassanik piiaanissamut taamaaqataanik periarfissaqarnissaat, qulakteerniarlugu innersuussut ilanngunneqarpoq.

Nr. 2-mut

Nunalerinermut, Imminut Pilorsornermut, Nukissiutinut Avatangiisinullu Naalakkersuisoqarfimmit kissaateqarneq malillugu, inatsisip taassuma atuunnera erseqqissarniarlugu, pinngortitamik illersuineq pillugu Inatsisartut inatsisaannut innersuussut ilanngunneqarpoq. Taamaattoq tamanna isumaqanngitsoq inatsisit aalajangersakkami taaneqanngitsut atuutinngitsut, erseqqissassallugu pingaaruteqarpoq. Siunnersuummi kapitali 2 malillugu ingerlatassat tamatumunnga akuersissummik peqarani suliarineqartut, inatsisit allat tamaasa ataqqillugit suliarineqassapput, takuuk siunnersuummi § 7, imm. 1.